

Igl sagond quartal 2022 ò la suprastanza communal tracto tranter oter igls affars suandonts:

Immobiglias, fatgs da santieri e sepultura, provedimaint d'ava

- Decidia da sottametter igl post da sarvetsch dall'ARA (excl. provedimaint d'ava) da nov alla partiziun Construcziun I Energiea I Ovras. Anfignen ossa era chel post attribuia alla partiziun digls Sarvetschs Tecnicos;
- Approvo igl contract da fittanza nov cun Maik Gantner, valevel a parteir dalla staschung da stad 2023, per igl kiosk digl Lai Barnagn a Savognin;
- Decidia da surdar la lavour pigl cumond NSSK pertutgont l'ARA Sot Gôt a Cunter alla firma Schocher + Rüegg SA a Coira;
- Decidia da surdar la lavour pertutgont la tecnica da misiraziun pigl nov sistem da direcziun ARA alla firma Seitz Messtechnik SA a Berneck.

Fatgs generals, fatgs da personal, economia e provedimaint d'energeia

- Consantia d'andrizzar ena colliaziun API da Crossiety (plazza da vischnanca digitala) tar la pagina d'internet digl cumegn e d'andrizzar en sarvetsch d'abunamaint "Newsletter" cun messadis da push per publicaziuns novas sen la pagina d'internet digl cumegn;
- Approvo l'ordinaziun pertutgont la participaziun digls unfants e giuvenils aint igl cumegn da Surses;
- Decidia da pladeir Andrin Kubli a taimp limito tigl sarvetsch forestal Surses pigl taimp siva igl sies amprendissadi da bostger a parteir digl avost anfignen l'antschatta dalla recruta igl schaner 2023;
- Nomino igls commembers pigl biro electoral communal an vista allas votaziuns ed elecziuns federalas e communalas digls 25 da settember;
- Decidia d'infurmar ainten las proximas treis ediziuns dalla revista da vacanzas Aktuell sen egna anfignen dus paginas davart igls projects currentes e davart la lavour ed igls pensums dallas singulas partiziuns digl cumegn;
- Decidia d'incumbensar la Scola ota spezialisada digl Grischun, centrum management administrativ, cun l'analisa dall'organisaziun communal. Tar chell'analisa dall'organisaziun comunala sa tractigl d'ena fegnameira tgi è neida definada aint igl model directiv Surses 2030;
- Decidia da salvar la proxima "oura da consultaziun" per la populaziun da Cunter igls 7 da november e per la populaziun da Savognin igls 28 da november. Las invitaziuns correspondentas vignan tarmessas ainfer taimp util.

Turissem

- Approvo la proposta dall'Uniun Anavant Surses dad anvidar tot las novdomicilieidas e tot igls novdomicilias siva dalla fusiun digl cumegn igl 2016 retroactivamaintg ad en aperitiv a caschung dalla Scuntrada.

Siertad publica e traffic

- Decidia da cumprar en auto-stgela d'ocasiun per igls pumpiers da Surses tar la firma Feumotech AG a Recherswil SO. La procedura da publicaziun è neida fatga tenor la lescha da submissiun;
- Piglia cunaschientscha dall'analisa da prieveles elaborada per igl cumegn da Surses an collaboraziun cun la Abenis Ingenieure + Planer SA a Coira.

Fatgs da biagier, planificaziun digl territori e planisaziun locala

- Decidia da surdar la lavour pertutgont la sanaziun digl rampar sot la tschiffada dall'ava Tgant Pensa alla Luzio Tiefbau SA a Savognin. Las ovras electricas Ragn d'Err SA sa participeschan agls costs.
- Decidia da surdar la lavour pertutgont la traparteida tranter igl Punt Caltgera e la staziun a val dallas pendicularas a Savognin alla Uffer SA, Savognin, ed alla Thomann Landmaschinen Metallbau SA, Cunter;



- Decidia da surdar la lavour digl electric an connex cun la sanaziun dalla veia cantunala ainten la vischnanca da Parsonz all'impresa Elektro Luzio a Cunter. L'incumbensa per diversas lavours da cuvreida ve dallas plazzas communalas e veias da colliaziun vignan surdadas igl madem mument alla Mettler Prader SA, Coira/Cunter;
- Decidia da surdar la lavour sanitaria an connex cun la sanaziun dalla Veia Del a Salouf alla Caspar Haustechnik SA, Tinizong, e las lavours da cuvreida e d'impessari alla Mettler Prader SA a Coira/Cunter;
- Decidia da surdar la lavour digl electric an connex cun la sanaziun dalla Veia Del a Salouf all'impresa Elektro Luzio a Cunter;
- Decidia da surdar las lavours d'impessari an connex cun la sanaziun digl reservuar Balandegn a Salouf alla firma Luzio Tiefbau SA a Savognin; las lavours sanitaras alla Savoldelli Haustechnik SA ad Igis/Savognin; e la furniziun digl reservuar alla Haus- und Wassertechnik AG ad Au SG;
- Decidia da surdar las lavours d'impessari an connex cun la sanaziun da plom digl indrez da 300 m a Tinizong alla Luzio Tiefbau SA a Savognin;
- Decidia d'introduer igl plan da quartier Bursa a Savognin e da surdar l'incumbensa d'elaborar igls documaints digl plan da quartier agl biro per svilup digl territori Stauffer & Studach a Coira;
- Decidia da surdar las lavours d'impessari an connex cun igl project d'investiziun Arena da sport La Nars a Savognin alla Battaglia Bau SA a Savognin e las lavours da construcziun bassa alla Luzio Tiefbau SA a Savognin.

Ovras communalas, infrastruttura turistica, economia forestala

- Accepto las propostas digl Uffezi da tgatscha e pestga per la regulaziun nova digls asils da selvaschigna segl territori digl cumegn da Surses;
- Approvo la declaraziun da cessiun incl. contract da servitut cun igl ewz pertutgont la surpigliaida dalla lengia d'ava da Bever e digl reservuar d'ava da Bever I Marmorera;
- Do liber igl credit per la compra d'en Mulcher Green Tec Scorpion 430 tar la firma Thomann Landmaschinen Metallbau SA a Cunter;
- Do liber igl credit per la compra d'ena mulda da cumprimer cartung Pöttinger per la deponia Davos Fallung a Savognin, tar la firma bhw gmbh ad Altstätten SG;
- Do liber igl credit per la compra da dus vehichels per igl sarvetsch communal, numnadamaintg en Toyota Landcruiser tar la Garascha Jäger Savognin SA ed en Toyota Landcruiser tar la Garascha Carisch SA;
- Do liber igl credit per la compra d'en Holder d'ocasiun per la vischnanca da Beiva tar la firma Zimmermann SA a Domat;
- Decidia da metter a disposiziun igl albiert per gruppas digl cumegn "Villa Aurora" a Savognin pigl menaschi provisoric dalla scoletta durant igl taimp da biagier la tgesa da scola nova a Grava a Savognin;
- Consantia agl contract cugl Uffezi da gôt e prievels dalla nateira per dar ena survista aint igls gôts cun funcziun da schurmetg ed aint igls gôts cun fegnameiras spezialas ecologicas tenor WEP 2018+, an possess digl cumegn da Surses ed er digls gôts privats segl territori digl cumegn da Surses (sainza Corporaziun Spegnas).

Tinizong, igls 22 d'avost 2022

Suprastanza communal da Surses